

आकाशवाणी

खबरां -----

1 आर्थिक सर्वेक्षण च जीडीपी दर 6.5 थमां 7 फीसद रौहने दा अनुमान, भारतीय रिजर्व बैंक दे विशेषज्ञ चालू माली बरे च महंगाई दर 4.5 फीसद रौहने दी मेद बुज्झी।

2 संसद दा बजट इजलास अज्ज शुरू होआ, खजाना मंत्री निर्मला सीतारमण होंरें लोकसभा च 2023-24 बरे दा आर्थिक सर्वेक्षण पेश कीता।

3 प्रधानमंत्री नरेंद्र मोदी होंरें आखेआ जे केंद्रीय बजट मुल्खै दे अगले 5एं बरे दी दिशा तय करोग ते 2047 च विकसित भारत दे सुखने गी पूरा करने दी नीह् बी रक्खोग।

4 कौशल विकास ते उद्यमियता राज्यमंत्री जयंत चौधरी होंरें आखेआ जे पी.एम विश्वकर्मा योजना तैहत कोई 2 करोड़ 28 लक्ख कारीगर पंजीकृत होए न।

5 सरकार नै पी.एम-सूर्य घर मुफ्त बिजली योजना तैहत डिसकाम दे फायदें गी लागू करने दे दिशा-निर्देश दिते।

6 सरकार नै आखेआ जे पिछले 5एं बरें च जल जीवन मिशन तैहत ग्रामीण घरें गी कोई 11 करोड़ 75 लक्ख नल्के दे कनेक्शन दिते गे'न।

<><><><><><><>

GDP-Economy

आर्थिक सर्वेक्षण 2023-24 नै 2024-25 बरे च जीडीपी दर 6.5 थमां 7 फीसद दा अनुमान लाया ऐ। बजट सत्र दे पैहले ध्याड़े केंद्री खजाना मंत्री होरें लोकसभा च आर्थिक सर्वेक्षणपेश कीता। सर्वेक्षण मताबक वैश्विक आर्थिक प्रदर्शन दे अनिश्चता दे बावजूद 2023-24 दे माली बरे च आर्थिक विकास नै घरेलू विकास गी अगगे लेई जाने आहले दा साथ दित्ता ऐ। सर्वेक्षण च माल ते सेवा निर्यात बढने दी मेद ऐ। एहदे च दस्सेया गेआ ऐ जे भारती मौसम विभाग मताबक दक्खन पच्छमी मानसून दे अगगे बढने कन्नै राईबाई क्षेत्र दा प्रदर्शन बेहतर होने दी पेशगोई कीती ऐ ते एहदे नै ग्रामीण मंग दा बी साथ सहयोग बढोग। एहदे च आखेआ गेआ ऐ जे जीएसटी ते आई.बी.सी च संरचना आहले संशोधन करी बी बेहतर नतीलजे थोआ'रदे न। महंगाई दर उप्पर भारतीय रिजर्व बैंक नै माली बरे 2025 च 4.5 फीसद ते माली बरे 2026 च 4.1 फीसद रौहने दी बी मेद बुज्झी ऐ। सर्वेक्षण च माली

बरे 2024 च असल जीडीपी 20 फीसद माली बरे 2020 बरे दे मकाबले मती दस्सी ऐ।

<><><><><><>

FM-Economies-Survey

आर्थिक-सर्वेक्षण 2023-24 च माली बरे 2024-25 आस्तै सकल घरेलू उत्पाद दी वृद्धि दर स्हाड़े 6 सोयां 7 फीसद बश्कार रौहने दा अनुमान लाया गेआ ऐ। केंद्री वित्त मंत्री निर्मला सीतारमथ होरें बजट सत्र थ्वां पैहले दिन लोकसभा च आर्थिक सर्वेक्षण पेश कीता। सर्वेक्षण मुजब माली बरे 2023-24 च अनिश्चित वैश्विक आर्थिक चुनौतिएं दे बावजूद घरेलू वृद्धि सरबन्धी कारकें आर्थिक विकास च मदद कीती ऐ। सर्वेक्षण च आखेआ गेआ ऐ जे उत्पादन बपार ते सेवाएं दे निर्यात च बाद्दे दी संभावना ऐ। एहदे च आखेआ गेआ ऐ जे भारतीय मौसम विज्ञान विभाग आस्सेआ सामान्य बरखा दे पूर्वानुमान ते दक्खन पच्छिम मानसून दे करी कृषि क्षेत्र च उत्पादन च सुधार दी मेद ऐ। सर्वेक्षण मुजब चीजें-बस्ते ते सेवाएं सरबन्धी कर ते आई.बी.सी जनेह् ढांचागत सुधार बी होए ते उंदे नतीजे बी थ्होन लगी पे'न।

<><><><><><>

LS-Unemployment

सरकार नै आखेआ ऐ जे पिछले किश बरें च मुख्यै च बेरोजगारी आहली दर च कमी दिक्खने गी लब्बा रदी ऐ। लोकसभा च इक लिखित परते च श्रम ते रोजगार राज्यंत्री शोभा करूदलाजे होरें आखेआ जे ताजा-तरीन सालाना मियादी आहली लेबर फोर्स सर्वेक्षण दी उपलब्ध रिपोर्ट मताबक अंदाजन 2020-21 च 15 बरें दी बरेसू ते औहदे नै उप्परली उम्मी दे लोकें लेई बेरोजगारी दर 4.2 फीसद हा, 2021-22 च 4.1 फीसद ते 2022-23 दौरान 3.2 फीसद ही। उनें आखेआ जे रिपोर्ट मताबक तनखाएं च बी 20 जहार 39 रपे दा अप्रैल जून 2023 महीने च बाद्दा होआ ऐ जेड़ा जे अप्रैल-जून 2018 च 16 जहार 839 हा जेड़ा तनखाएं च 18 अशारिया 94 फीसद दा बाद्दा दस्सा रदा ऐ।

<><><><><><>

PM-Parliament

प्रधानमंत्री नरेंद्र मोदी होरें आखेआ ऐ जे कल पेश कीते जाने आहले बजट मुख्य दी अगले 5 बरें लेई दिशा तय करोग ते एह् 2047 तगर विकसित भारत दे सुखने गी साकार लेई नीह् बनोग। संसद दे बजट सत्र सोयां पैहले संसद दे बाहरे संवाददाताएं कन्नै गल्लबात करदे होई मोदी होरें आखेआ जे लोकसभा चुनां च मुख्य दी जनता नै फैसला

देई दिता ऐ जे सारे राजनीतिक दलें गी मिलिये अगरे 5 बरे लेई मुख्य आस्तै किट्ठै होना लोड़चदा। मोदी होरें कथित तौर पर नकारात्मक राजनीति करने आस्तै विपक्षी दलें दी निंदेआ करदे होई आखेआ जे उनें अपनी असफलताएं गी छपैलने आस्तै संसद दे समें दा इस्तेमाल कीता। पिछ्छले सत्र च संसद सत्र च रूकावट पाने दा जिक्र करदे होई मोदी होरें आखेआ जे विपक्षी दलें संसद च सत्ता पक्ख दी अवाज गी दबाने दी कोशिश कीती। प्रधानमंत्री होरें राजनीतिक दलें सोयां राजनीतिक एजेंडे आस्तै नेई सगुआं मुख्य आस्तै कम्म करने दा आग्रह करदे होई आखेआ जे सदन राजनीतिक दलें आस्तै नेई सगुआं मुख्य आस्तै ऐ। उनें आखेआ जे सदन सांसदें आस्तै नेई सगुआं 140 करोड़ देशवासिएं आस्तै ऐ। उनें सब्बनें दलें सोयां अपील कीती जे सारे सदस्य खास करी पैहली बारी बने दे सदस्यें गी अपने विचार जाहिर करने दा मौका दिता जा। मोदी होरें इस गल्ला दा बी जिक्र कीता जे पिछ्छले त्रै बरें च लगभग 8 फीसद दे बाद्दे कन्ने भारत प्रमुख अर्थ बवस्थाएं च सब्बनें थवां तेजी कन्ने बदने आला देश बनेआ ऐ। उनें आखेआ जे जनवरी 2029 च चुनावी बरे दौरान दल राजनीति करी सकदे न, पर उसलै तगर सारें गी मुख्य, युवा ते करसानें दे सशक्तिकरण च शामिल होना लोड़चदा। प्रधानमंत्री होरें सारे

राजनीतिक दलें सोयां पार्टी आधारित राजनीति थ्वां उप्पर उठने ते अगले 4 बरें आस्तै अपने आपा गी मुख्य गी समर्पित करने दा आग्रह कीता। प्रधानमंत्री नरेंद्र मोदी होरें आखेआ सियासी पार्टिएं गी युवा ते करसानें दे सशक्तिकरण च शामिल होना लोड़चदा।

<><><><><><>

PM-Vishavkarma

प्रधानमंत्री विश्वकर्मा योजना तैहत अज्जै तोड़ी कोई 2 करोड़ 28 लकख कोलां मते कारीगरें अपने आपै गी पंजीकृत कराया ऐ। कोई 13 लकख 94 जहार लाभार्थियें सफलता कन्नै पंजीकरण कराया ऐ जिस च 5 लकख 42 जहार 222 महिलां बी शामिल न। लोकसभा च लिखित परते च कौशल विकास ते उद्यमियता राज्यमंत्री जयंत चौधरी होरें आखेआ जे समूलचे मुख्या च कुल कोई 5 लकख 3 जहार 161 मेदवारें गी बुनियादी सिखलाई दिती गेई ऐ जिंदे चा 2 लकख 74 जहार 703 महिलां बी शामिल न। मंत्री होरें आखेआ जे बुनियादी कौशल सिखलाई तैहत कर्नाटक थमां बदोबद्द मेदवार प्रमाणित कीते गेदे न। राज्य च कोई 1 लकख 9 जहार मेदवार ते फही जम्मू-कश्मीर च कोई 81 जहार मेदवार ते औदे बाद 79 जहार मेदवार गुजरात च

प्रमाणित कीते गेन। मंत्री होरें आखेआ जे कर्नाटक च कोई 85 जहार महिला मेदवार ते औदे बाद आंध्र प्रदेश ते फही गुजरात च नेह सिखलाई नै प्रमाणित कीते गेन। पी.एम विश्वकर्मा योजना पिछले बरे सितंबर म्हीने कारीगरें ते एहदे नै जुड़े दे लोके गी मदद देने गितै शुरू कीती गई ही। योजना च 18 कारोबार औंदे न।

<><><><><><>

RS Civil Aviation

हवाबाजी मंत्री किनजारपु राममोहन नायडू होरें आश्वासन दिता जे मुल्खे च हवाबाजी क्षेत्र च माहिर इंजीनियरें ते अज्जै-कल्लै दे समें आहले उपकरणें दी कोई थोड़ नेई ऐ। राज्यसभा च इक लिखित परते च श्री नायडू होरें आखेआ जे 2022 बरे थमां हुनै तोड़ी तकनीकी दिक्कत करी कुल 14 इमरजेंसी लैंडिंग आहिलियां स्थिति होइयां न। मंत्री होरें आखेआ जे 57 लड़ाकू जहाज प्रबंधन इंजीनियरिंग ए.एम.ई. सिखलाई आहले संस्थानें गी सांझ-भ्याल सरबन्धी सिखलाई गी देने गितै DGCA आस्सेआ मंजूरी दिती गई ऐ।

<><><><><><>

Pradhan-NEET

सरकार नै आखेआ ऐ जे पिछले 7 बरे च मुख्य च पेपर लीक दा कोई मामला सामने नेई आया ऐ। ओह नीट-यू.जी पेपर लीक मामले च किश बी नेई छपेला रदी ऐ। शिक्षा मंत्री धर्मेंद्र प्रधान होरें लोकसभा च प्रश्नकाल दौरान जिमनी सोआलै दा परता दिंदे होई आखेआ जे राश्ट्रीय परीक्षा एजेंसी नै अपनी स्थापना मगरा सोयां 240 म्तेहान आयोजित कीते न। इंदे च साइडे 4 करोड़ सोयां मते विद्यार्थी शामिल होए। प्रधान होरें विपक्ष दे नेता राहुल गांधी हुंदे उस बयान दी नुक्ताचीनी कीती जेदे च उनें मुख्य दी परीक्षा प्रणाली दी निंदेआ कीती ही। मुख्य च पेपर लीक दी घटनाएं बारै विपक्षी दलें दे आरोपें गी खारिज करदे होई धर्मेंद्र प्रधान होरें आखेआ जे मुख्य भरै च छड़ा इक मामला पटना च सामने आया ऐ। उनें आखेआ जे सीबीआई मामले दी जांच करा'रदी ऐ। एह मामला सुप्रीम कोर्ट दे जरे-गौर ऐ। प्रधानमंत्री होरें सदन गी दस्सेया जे नीट-यू.जी म्तेहान च छड़ी इक थाह पर अनियमितता ते भ्रष्टाचार दे मामले दा पता लग्गा ऐ। एहदे थवां पैहले विपक्ष दे नेता राहुल गांधी होरें एह मामला पुट्टदे होई आरोप लाया जे मुख्य दी परीक्षा प्रणाली च बड़ी

गंभीर समस्या ऐ। उनें आखेआ जे लक्खां बद्दे विद्यार्थी म्तेहानें ते अपने भविक्ख गी लेइए चिंतित न।

<><><><><><>

Govt. DISCOMs

सरकार नै पी.एम शीय घर- मुफ्त बिजली योजना दे तैहत DISCOM बिजली दी बंड सरबन्धी कंपनिएं गी प्रोत्साहन देने आस्तै दिशा निर्देश जारी कीते न। सौर क्षमता दी हिस्सेदारी बदाने ते छत्ते पर अपनी बिजली बनाने दे मकसद कन्नै इस योजना गी इस बरे फरवरी म्हीने केंद्र सरकार नै मंजूरी दिती ही। एह दिशा-निर्देश पी.एम सूर्यघर मुफ्त बिजली योजना दे DISCOM घटके गी प्रोत्साहन ते अमलावरी गी नियंत्रित करोग। बिजली मंत्री होरे आखेआ जे इस योजना लेई 75 ज्हार करोड़ रुपें थवां मते रक्खे गए न ते इसी 2026-27 तगर लागू कीता जाना ऐ। इस योजना तैहत डिसकाम गी तय सतह कोलां अगगे छत्ते उप्पर सौर उर्जा आहले बादूदू ग्रिड लाने दे लक्ष्य गी हासल करने दे आधार उप्पर लाह दिते जाडन।

<><><><><><>

RS Jal Jeevan

सरकार नै आखेआ ऐ जे पिछले 5एं बरें च जल जीवन मिशन हर घर जल तैहत ग्रामीण घरें च कोई 11 करोड़ 75 लकख पानी आहले नल्के दे कनेक्शन दिते गेदे न। एह गल्ल राज्यसभा च जल शक्ति राज्यमंत्री व. सोमन्ना होरें लिखित पते च आक्खी। उनें आखेआ जे जदूं अगस्त 2019 च जल जीवन मिशन शुरू कीता गेआ हा अदूं छड़ा 3 करोड़ 23 लकख ग्रामीण घरं गी पानी दे नल्के दा कनेक्शन मुहैया हा, मगरा हुन मुखे दी 77 फीसदी ग्रामीण आबादी पानी दे कनेक्शन कन्ने लैस ऐ। उनें आखेआ जे पानी दी गुणवत्ता गी आनलाइन जेजेएम पानी दी गुणवत्ता प्रबंधन सूचना प्रणाली पोर्टल पर राज्य केंद्र शासित राज्य पानी दे नमूने गी जांची परखी ते रिपोर्ट लैना, तक्क रक्खना ते होरनें चीजां उपलब्ध न।

<><><><><><>

RS-Power

बिजली मंत्री मनोहर लाल होरें अज्ज आखेआ ऐ भारत 2030 तोड़ी गैर जीवाशम इंधन आधारित उर्जा संसाधनें थमां इंस्टाल कीती दी क्षमता दा कोई 50 फीसदी किट्ठी कीती दी इलेक्ट्रिक उर्जा गी हासल करने गितै बचने बज्झे दा ऐ। राज्यसभा च इक लिखित परते च श्री

लाल होरें आखेआ जे इस्सलै भारत नै इनें संसाधनें थमां 45.5 फीसद पैहलें गै हासल करी लैता ऐ। उनें आखेआ जे योजना गी इस चाल्ली तैयार कीता गेआ ऐ जे भारत ना छड़ा इस क्षमता कन्नै 50 फीसद पूरा करोग, बल्कि मित्थे दे लक्ष्य गी बी पार करी लैग। उर्जा मंत्री होरें आखेआ जे साल दर साल मुख्यै च इलेक्ट्रिक उर्जा जरूरत बदा'रदी ऐ।

<><><><><><>

LS-Israel Workers

सरकार नै आखेआ ऐ जे इस्राइल च अज्जै तोड़ी 4 जहार 825 भारतीय कम्मगार भेजे गेदे न ते कुसै बी केंद्री कारोबारी संघ नै कर्मियें गी इस्राइल भेजने गितै ऐतराज नेई जताया ऐ। लोकसभा च इक लिखित परते च मजूरी ते रोजगार राज्यमंत्री शोभा करुदलाजे होरें आखेआ जे इस्राइल कन्नै समझौते उपपर कीते गेदे दस्तखत दी रूपरेखा ते लागू करने सरबन्धी प्रोटोकाल मताबक भारतीय कम्मगारें गी इस्राइली शैहरदारें जनेई इजाजत ते बरोबरी नै मजूरी आहले हक्कै ताई दिते जाने लोइचदे न। उनेंगी बी रौहने-बौहने दी पूरी स्थूलत, मेडिकल बीमा ते होरनें चीजां थोहोनियां लोइचदियां न। निर्माण आहले कम्मै लेई प्रोटोकाल लागू करने तैहत इस्राइल च विशेष कम्मगार

आहले बजार क्षेत्र च भारतीय कम्मगारें दे आरजी रोजगार आहली
सुविधा उप्पर भारत इस्राइल समझौते तैहत इस्राइल च रोजगार लेई
10 जहार भारतीय कम्मगारें गितै गुजारिश थोई ऐ। इंदे चा 825
भारतीय कम्मगारें गी भेजेया गेआ ऐ ते इंदे चा उत्तर प्रदेश थमां
बद्दोबद्द 4 जहा 415 कर्मी न।

<><><><><><>